

平陸縣續志卷之上

輿地類

粵稽古昔聖王奉若天道建邦設都仰則辨方各應
星纏俯則經野爰敷疆域以肇鴻基以樹屏藩也平
陸為堯舜禹甸服或為侯國或為列郡世代紛更隨
時變易矣乃其星應觜參地毘秦豫川嶽之流峙景
物之瑰奇風俗之變遷形勢之險要蓋有不能徧觀
而盡覽者焉豈曰偏隅可無紀載誌輿地

沿革

考平陸在禹貢冀州之域唐虞夏皆為甸服商為虞國

按一統志春秋為虞國地戰國屬魏為吳城漢為河
東郡太陽縣地東漢置河北縣魏晉以後詳前志

國朝雍正三年改解州為直隸州專屬馬歸河東道統

轄定單字難缺

星野

春秋傳曰參為晉星星紀魏地畢觜參漢書魏地觜觶
參之分也太史公曰晉之疆候在辰星占於參罰唐
志觜觶參伐實沈也初畢十度餘八百四十一秒四
之一中參七度終東井十一度自漢之河東及上黨
太原盡西河之地古晉魏虞唐耿楊霍冀黎郇其地

上應天闕南曲之陰在晉地眾山之陽南曲之陽在秦地眾山之陰陰陽之氣并故與東井通河東永樂芮城河北縣及河曲豐勝夏州皆東井之分參伐為戎索為武政當河東盡大夏之墟上黨次居下流與趙魏接為觜觿之分

按史云昴畢冀州觜觿參益州柳七星張三河晉志因之謂河東八張一度為鶉火之次其說與前異考一統志此論非是

星野圖

初畢十度餘八百四十一秒四之一

實沈之次



中參七度

終東井十一度

史曰畢主邊兵弋獵明則遠人來朝失色則邊兵亂觜明則天下安五谷熟移動天下旱隋志云觜為三軍之藏府主葆旅收斂萬物張衡云葆旅野生之可食者明則軍儲盈將得勢動而明盜賊羣行葆旅動移將有逐者參為白獸之體中三星應將伐為斬艾事又主權衡所以平理也小三星隅置曰觜觿為虎首主葆旅事井主水衡事法令所取平也甘氏曰參為忠良孝謹之子明則臣忠子孝張衡云王者用法平則井明而端

疆域

縣地在省西南一千里東界垣曲西界芮城北界安邑
南界陝州東南界澠池西北界本州西南界靈寶東
北界夏縣里至俱詳前志南至河二里渡河至陝州三里西
至葛趙四十里渡河至靈寶五里前志渡河二十里非東至茅
津渡二十里渡河至會興鎮六里又東至白浪渡一
百二十里渡河至澠池五十里前志縣城至白浪渡一百八十里非
形勢

縣城濱河依山扼要守險實三晉之門戶

水陸形勢表裏山河以上俱採一統志餘詳前志

山川

少祖山在縣西北四十里中條分支為縣脈之祖

夢泉山在縣東九十餘里脉連中條山高出羣峰南望

大河西顧嵯海邑人建祖師廟於其巔每興工修造

廟旁凹處水出足敷日用迨工竣泉息昔人故以夢

泉山名焉餘詳前志

水利

考舊志載三汭澗盤南澗沙澗葛趙澗昔為水利之鄉
今三汭澗依然而灌溉無幾盤南沙澗葛趙因道光
年間河水冲决地為沙石所壓不能耕作光緒五年

知縣魯燮光劉鴻逵先後詳請蠲免丁糧

渠堰附

興文渠即魏公渠近因天旱水涸半就傾圮光緒六年浙紳金觀察福曾撥賑錢二百緡知縣劉鴻逵督工築之有碑記

李公渠即潘公渠也後因澗水傾圮開復維艱渠道遂廢道光八年山水漲發澗東徙知縣李澍生令民修築渠道分為上中下三部增生楊允超勒石記之餘詳

舊志

葛趙村中有古渠一道俗傳開自元朝以補村脈兼可

平陸縣續志

卷之上

輿地

四

灌田同治間雨水大漲渠崖沖塌今廢

風俗

士矜禮讓而無鬪很羞狹邪而畏訟庭

農終歲勤動四體憔悴無產者尤勤負販登獲後完課償責之餘所盈無幾食糠粃衣短褐帖帖自甘無怨尤

工無絕藝俟諸來者

商邑多土著無服賈錢行質庫皆蒲絳解澤人今因灾稔當商皆歇業矣

冠

古禮久廢

婚之不論財物但擇門戶無貧富皆親迎女家邀六親送

喪禮厚薄不一稱家有無葬行儒祭

祭族大者立祠堂元旦祭之忌日生日及四時八節祭

元旦士民祭其先除夕設香案陳牲醴雞鳴放爆竹率

祖先曰拜神主祭畢尊長敘坐卑幼以次序拜畢則

元宵沿戶張燈祠廟樹燈山間里舞龍排雲撐船走馬

迎春知縣偕僚屬陳儀仗迎春於東郊社民賽鼓前驅

清明具牲醴掃墳致祭壓紙墳巔

端午釋子懸香囊於項繫彩繩於腕煮角黍

六月六日曝衣攤書取井

七月十五日祭掃如清明但多係新墳

中秋蒸麩餅及鬻爐餅謂之

重陽登高燕樂食糕賞

十月一日黃昏祀祖先裁五色

冬至具牲醴夜祀土神凡本


年修造之處無不設燈

十二月五日 煮五色豆祀
先謂之五豆

臘八 煮粥祀先劑以鹽花薑
屑隣里間有相餉者

二十三日 夜祭竈次
日掃舍宇

除夕 易門神桃符作春帖
各門插栢枝記歲



營建類

尹文子曰有能而無益於事君子弗為有理而可益於治君子不得不為故勗經久之制建宏遠之規因時立事有不可少緩者耳夫捍禦有城臨蒞有治育才有序積儲有倉歷經續葺可弗講與他如俎豆薦馨之所告虔宜肅興徒往來之地修舉宜勤村落星分坊鋪碁布其所營繕烏容已哉顧有司憚興作者惕於費循廢弛者狃於故尚因仍者怠於為視敝陋之弗理蔑如也匪作於前奚則於後誌營建

城池

縣城創於金興定丁丑歷代續葺俱詳前志咸豐初知縣余正酉重修垣以土雉堞以磚工興於元年三月竣於二年八月同治六年冬知縣華鏜補葺北城二十丈角樓二礮臺十一垛口三百六十池四周三里深一丈闊如之今漸淤狹

學校

縣學及學宮創建始末俱詳前志乾隆五十九年知縣萬科炳重修道光七年知縣李澍生重修同治四年知縣張懷栻重修均有碑記

崇聖祠及

魁光樓 名宦 鄉賢 節孝等祠重修年分俱同

文廟

文昌祠乾隆三十六年知縣趙中潤重修咸豐七年正月奉文升入

中祀並祀 三代

學制 附

漢武帝始置弟子員以此取士唐制上縣四十人中縣三十五人下縣二十五人宋無定員崇寧二年以費絀減之照現籍三分而汰一元有太學生小學生樂生洪武初令縣學二十人日給廩膳宣德三年復設增廣生員數亦如之正統十二年令額外選軍民子弟入學為附學生

國初仍明制康熙十九年定大中小學平為中學歲科每次額進文童十二名歲試進武童十二名二年一貢有

單恩正貢作恩貢次貢作正貢二十五年奉

旨十二年各學選拔一人三十九年停止雍正五年奉

上諭嗣後六年選拔一次國子監屆期題請候

旨乾隆七年奉

上諭選拔定為十二年一舉著為例

書院附

傅巖書院創建詳前志道光二年知縣李樹生重修咸豐二年知縣余正酉補葺各鄉租田因大祲佃戶逃亡多半無著知縣劉鴻達力為清查今將查出村名畝數附載入志庶將來查考有據以免遺失云

菴門前共地二十七畝二分六厘 湖裡村共地十三畝七分六厘 下澗村共地十五畝燕家山共地一頃三十九畝一分八厘 曹家庄共地二頃二畝四分七厘又老荒地一頃三畝 溝北村共地四十三畝三分三厘現荒小堆村共地四十四畝現荒 曹家川共地九十四畝八分四厘內有現荒七畝官保溝共地一頃六十四畝內有新荒五十一畝 柏樹圪塔共地二十七畝現荒 范家庄共地四十三畝現荒 井坡村共地八十四畝五分 呂元村共地四十九畝內有新荒二十畝 石頭坡南四軍家坡共地一頃二十五畝 白家河共地八十一畝內有新荒十四畝 坡頭村共地五十六畝 陡泉村共地六十一畝 馬家庄共地三十畝 王家溝共地十畝 東馮家四共地四十六畝 安善溝共地十八畝 西馮家四共地七十二畝六分四厘

平陸縣續志

卷之上

營建

九

厘現荒 趙家嶺共地二十畝 王沙澗共地四十一畝五分六厘 解沙澗共地三十一畝 寨頭村共地十畝六分六厘 馬霹靂共地一頃一十五畝內有新荒十六畝 營村共地二十五畝八分七厘現荒 大石嶺共地二十九畝現荒 勺果村二十一畝六分六厘 勺魚村共地十八畝 紅呂村共地九十六畝二分八厘 上牛村共地二十二畝 黑窰村共地二頃七十八畝六分一厘內有新荒二頃一十七畝一分一厘 陽朝村共地三十八畝現荒 辛庄村共地七十二畝五分九厘 東村共地十九畝二分四厘現荒 車村共地二畝四分九厘 閻家坡七十一畝三分內有新荒六十一畝三分陸家坡共地一頃一十三畝九分五厘內有新荒九十二畝九分五厘 北留史村共地九畝三分四厘內有新荒四畝九分七厘 南留史共地十七畝二分八厘 爨家坡共地二十畝二分現荒 上卓村共地一頃九十三畝五分內有新荒一頃四十三畝五分 西車村共地二十三畝一分四厘 關家庄共地七十畝現荒 全家潭共地十五畝五分九厘 南官道共地六畝 書院門前共地二畝

以上共熟地一十四頃八十七畝六分八厘 共荒地一十二頃八十一畝九分七厘 共租銀三百四十八兩四錢三分六厘 共錢租四十六千三百五十七文 共麥租五十一石七斗六合 共穀租五十一石七續查官家庄共地六十七畝四分六厘每年麥谷五石三升現租斗六合佃三十三畝七分下荒三十三畝零

義學附

舊志義學三 一在縣城隆禧觀 一在縣東張店鎮

俱久廢 一在縣西原裏村久圯今址改建觀音堂

新義學二 一在縣城北關乾隆四十七年知縣李鍾

淑以古北社倉故址見古志捐廉飭邑紳趙實庵毛鳳

翔等創建講堂五楹學舍二楹門房一楹大門三楹

前樹壁講堂北正窰三孔前接三軒東西廂房各三

楹東隅便門一上建樓門一間知縣張輔重修其延

師經費統歸書院開支同治五年知縣馬玉瑤廣為

興復遍及鄉鎮後因荒遂廢光緒三年歲祲學廢五

平陸縣續志 卷之上

營建

十

年知縣劉鴻逵到任以合邑無書聲即捐廉延師課

讀並廣為勸諭至六年而各塾相繼興起焉 一在

茅津下街嘉慶十七年縣丞李雲衢捐廉二百金交

紳士生息為延師資二十年嗣任張鴻儒復捐錢借

龍王廟舍延師課讀道光八年縣丞王玉抵任以息

金置地八十七畝五分擬建學舍不果二十年縣丞

魏炳履任復捐俸五十緡紳士劉兆麟等以義學

佃戶抗租累糧稟縣移歸縣丞就近辦理二十六年

前縣丞王五之子雲漢復官是缺創建義學以成父

志買成院兩所價三百五十緡復捐俸二十緡知縣

余懷堂捐五十緡遂鳩工改作而講習有地焉計前院門房三楹廂房各二楹講堂三楹後樹屏門一東西廂房各三楹甃窰二孔前插軒三楹其房院畝數並邑紳王殿梁捐地二畝均勒石有記咸豐八年縣丞陸以耕蒞任後捐廉重修復募化捐資除歷年延師課獎外添置東院一所前院東西廂房各三楹中建門樓一座後院北窰一孔並買地三十四畝九分五釐共計價銀三百四十三兩零連前共地一百二十二畝六分五釐共完糧銀十一兩三錢四分九釐

三毫

按加一三完納

平陸縣續志

卷之上

營建

十一

壇廟

先農社稷風雲雷雨等壇俱詳前志平無淫祠而三家之村必設廟祀皆前志所載之神故不復採

關帝廟創建詳前志道光八年知縣李澍生重修咸豐四年正月奉文升入中祀加封

聖帝三代為王 曾祖光昭王 祖裕昌王 父成忠

王並祀後殿嘉慶五年知縣萬科炳劉成義同治四年知縣張懷堃歷次重修

城隍廟創建見前志道光二十二年知縣吳逢甲重修吳泰伯廟在吳山之麓創建見前志康熙三十三年知

縣金 燁重修後圮乾隆四十九年知縣李鍾淑與邑人重建有碑記後邑人李懷安李望清先後重修八蜡廟在泰伯廟東乾隆四十九年知縣李鍾淑與邑人重建道光十五年邑人李懷安同治七年邑人李望清歷次重修

后土廟在縣西六十里北枕條山南臨大河地脉雄厚川原廣衍左屬虞右屬芮廟址方圓十畝創建不可考明天啟二年至今屢次修理樹林蔭翳廟宇輝煌真兩縣接境之勝地也

岱岳廟在縣西三十里創建見前志宋迄元歷次修葺

同治間社民又復重修

陸公祠在縣治東郭外傅巖書院之西道光二十一年為故令陸 樟建

呂祖廟在縣治西南隅同治八年知縣華 鏌以義倉故址捐廉創建正殿三楹中祀 呂祖東祀 華真君西祀 龍王殿前獻亭三楹東舍房三間南廟門三間上建樂樓

衙神祠前為土地祠嘉慶十九年知縣陸樟復宏其規模改建正殿五楹獻亭五楹中祀漢相 蕭曹芳祀土地 庫神 馬神 倉神道光二年知縣李澍生

建樂樓咸豐十一年重修

公署

縣署乾隆甲申以前修葺俱詳前志其原建之彰善瘴惡二亭久廢考頭門石額明正德二年知縣王經縣丞趙鉉主簿陳璇典史李恭創建今前志以正德元年知縣王紳繼葺中堂捲棚退堂幕廳庫樓六曹戒石亭儀門土地祠獄室大門復於門頂建譙樓三楹按王紳職官誌嘉靖四年任考明史武宗在位十六載年號正德正德之後始為嘉靖則正德之元年修理公署乃王經非王紳也今前志職官丞簿尉名皆存而遺王經復誤王紳續修衙署其失考與今附記之咸豐七年知縣余懷堂彩飾大堂頭門光緒二年知縣魯燮光復飾戒石亭及儀門頭門重修花廳簽押房各三間

縣丞署在茅津嘉慶四年以巡檢署改之

教諭 訓導 典史等署俱詳前志

平垣營遊擊 千總等署見前志

守備 把總等署俱在茅津白浪渡汛外委署在南溝

以上三署俱同治元年奉文創建知縣張懷堃遊擊

谷景昌監修 外委千總署在張店 外委把總署

即城守營在縣城南門外後移東門外安懷堂

演武場三 一在縣城南郭門外修廣十畝為有司試

武士練民壯及城守營操兵之所其餘在茅津詳兵

事

倉儲

前志常平倉在縣治內東倉廩六座現祇兩座計八間

大堂西有倉廩四座計十六間內木廩三間創建年

月不可考道光二十九年知縣余正酉重修今漸圯

東廩亦圯

額儲穀一萬四千石自嘉慶十八年起至咸豐十年止

平陸縣續志

卷之上

營建

十四

倉穀均供碾兵米價劃扣司庫倉無存穀

社倉在縣治東倉廩五座 社穀無定額 前志儲一千二百十八石

義倉在縣治南倉廩二座 義穀無定額 前志儲二千八百八十五石

石嘉慶十一年因歲荒將社義穀出借在民後題請

豁免今社義倉均圯義倉基址同治八年知縣華鏞

改建 呂祖廟

坊表 乾隆二十八年見前志

茅津古渡德政坊士民為縣丞王玉立

德政碑四為知縣李鍾淑張懷莖余懷堂遊擊谷景昌

立

鍾靈毓俊坊在縣城東門內閤邑士庶建

秋官大夫坊在縣城東門外為萬曆丁未科進士刑部

郎中王鶴齡建

節孝總坊在縣城南門內為閩邑節婦建

節孝坊在張霽霽為張不伐之妻李氏建

節孝坊在寨頭村為伊素寬之妻楊氏建

節孝坊在太陽鎮為員之妻杜氏建

鋪遞

原額設鋪遞十三處詳前志工食銀一百五十六兩咸

豐四年奉文將鋪遞裁汰改設遞役十二名遞送文

平陸縣續志

卷之上

營建

十五

報著留工食十分之四銀六十二兩四錢解司銀九十三兩六錢

津渡

官渡四 一在城南二里為太陽渡 一在縣西四十

里洪陽渡 一在縣東二十里茅津渡舊設巡檢一

員專司豫引過渡巡緝私販嘉慶四年裁巡檢改設

縣丞 一在縣東一百二十里白浪渡

國初因明制設巡檢一員順治十二年巡司吳遠以餬

口無資棄印宵遁當事題請裁缺見古志同治元年因

擒匪擾豫沿河防堵奏設外委一員守兵五十名

民渡一 在縣西三十里車村 餘詳前志各渡 船隻見河防

集會

縣城每日清晨集 茅津鎮張店街每日集 常樂鎮

中張村每逢單日集 洪池鎮每逢雙日集

廣德會 正月二十日 馬村會 二月初二日 車村會 二月初五日 順

頭會 十一月初九日 胡村會 二月初九日 東關會 二月十四日

八月十八日 五月二十日 張峪會 二月十五日 十月十日 岳

村會 二月初五日 常樂會 三月初八日 上焦會 三月

初一 洪池會 三月初三日 留史會 三月初三日

大臣會 三月初五日 陽朝會 三月初五日 中張會 三月初五日

日 茅津會 三月初五日 四月初五日 五月初五日 五月二十五日

日 西街會 三月十二日 六月二十日 東擲會 三月十日 張

店會 三月初七日 四月十二日 張村會 三月十日 西侯

會 三月二十日 計村會 三月二十五日 西張會 三月二十五日 八政會 三月

二月十八日 九 阮廟會 三月初一日 二十八日 澗北會 四月初一日

日 堯店會 四月初八日 西祁會 四月十四日 西灣會 四月十五日 下

郭會 六月初一日 太寬會 七月初十日 南村會 七月十三日 龔家窩

會 七月十五日 北關會 八月十五日 西擲會 九月十日 葛趙會 十月

十月十五日 南吳會 十月二十日 南關會 十月二十二日 南侯會

十月十五日

里鎮

一統志縣屬勝朝初編戶五十五里明末饑饉洊臻地
荒人竄減為三十六里再減為十八里復減為八大
里四小里八大里詳前志四小里即三坊志過東西
鹽莊 鎮之遞減亦如之茅津鎮在縣東二十里張
峪鎮在縣西十五里常樂鎮在縣西三十里葛趙鎮
在縣西四十里洪池鎮在縣西四十里

俱詳
村堡

村堡

茅津寨

即茅
津鎮

前為堡詳前志歲久傾圮同治七年因豫

匪不靖歲貢陳凌霞等公稟築寨知縣華鏞詳請興

平陸縣續志

卷之上

營建

十七

修 本道李慶翱倡捐錢三百緡邑之官弁紳民協

力輸資移會縣丞陸以耕廣其基址改堡為寨東西

廣二里餘南北袤一里周五里除高崖僅添雉堞外

計築土垣六百餘丈高二丈下寬二丈上丈二池因

地勢深寬不一寨門六東南曰揆文南曰阜薰西曰

奮武北曰星拱西北門無額正東門前名永固後圮

另議改建旋因大祲未果

八政堡詳前志堡垣圯毀不完地當通衢在縣東四十

里距張店三十里

張店堡詳前志

即虞城
外郭

堡垣今圯毀不完南北孔道在

縣東北七十里昔時人煙湊集頗稱巨鎮今因災祲
大遜於昔 邑地皆山民多穴居大小村莊九百六
十有二計大村五十三五十戶以上為大村中村一百五十一
十戶以上為中村餘則三五家及一、二家為一村此次災祲
戶口逃亡村宇為墟者尤多今將小莊歸附大村令
大村之鄉地稽查以省擾累五百餘戶之村一茅津
二百餘戶之村二葛趙常樂一百餘戶之村七龕家
窩沙口張峪車村張店太陽南吳數十戶之村九十
四餘皆十戶以下矣今除前志盤南等一百五十村
不列外下餘村莊附記於後其不及三戶之村附併大莊以歸簡易

東路

禹廟村 醬窩村 槐樹下 高家凸 蘇南村

羅家嶺 陳家窰 姚家坡 陳霹靂 陽坡村

虎廟村 胡圪塔 席家坪 尖坪村 東陽村

楊家凹 李家莊 蹄趾村 師家底 前馬泉溝

柏樹爻 老虎凸 余裏村 王家溝 滑二里

南嶺村 木匠嶺 紅樹爻 東中村 前川子村

溝西村 衛霹靂 仝原村 簸箕灣 東寨村

西流河 儀家嶺 劉家爻 儀霹靂 坡底村

土橋村 小原村 背坡村 小嶺溝 香春溝

常家崖 廟底村 花家底 曹嶺村 東溝村

關保溝 梭扒村 廟溝村 廸子村 宋家河

鄭家溝 朱嶺村 任霹靂 上堡村 胡樹窰

王家坡 朝陽坡 賀家莊 圪塔村 韋元頂

石坂溝 坡頭村 下澗村 員家山 崖頭村

馬圪塔 牛家峪 賢妻村 楊家溝 峪口村

安鋪村 劉家嶺 勺兒凸 王家坡 陡泉村

廟窰村 岔溝村 楊迷凹 大寨村 花嶺村

葦園村 堡子上 窰凹村 車窰上 蔣家窰

索里村 窰窩村 前莊村 下坪村 劉家莊

平陸縣續志

卷之上

營建

十九

老鴉石 姚家坪 窰坪村 曹家村 七泉村

趙家川 靳家底 龍潭溝 甸家後 金圪塔

柏崖下 窰圈 楊家窰 寺溝 龐家坡

槐口 背坡村 溝北村 上堡村 楊家村

倉裏村 岳村

西路

窰頭村 王村 文家滑 阮底村 趙家滑

西北堡村 窰瓦溝 王 耙字溝 堡子村 黃家凹

窰兒頭 東莊村 姜家凸 劉 衛家莊 鐵家磨

溝南村 蘆子凹 温家溝 呂家崖 西杏頭

磨窩村 東滑村

西北路

橋頭村 元圪塔 胡家溝 磨凹村 邵家溝

張家溝 饜家坡 申家凸 毛家溝 寶聚莊

晉廟村 温家溝 小嶺村 衛家莊 前蘇家溝

鄭家坡 斜坡村 張銀凹 青龍嶺

上路

李氏凹 風口村 柴家坡 水磨溝 吳家凸

馬家溝 上牛村 紅凸村 安家溝 張果村

北嶺后 柏樹嶺

中路

東坪頭 轉村 柏阪村 火口村 辛莊村

柳溝村 七里坡 閻家坡 東祁村 滑裏村

上阮東 王家溝 營村 黑家溝 大石嶺

下佐家溝 風斜口 張家坡 大坪頭 樊家莊

灰窩村 崔家坡 蛟龍坪 許家莊 陳居士莊

車家坡 梁家莊 艾裏村 黑窩村 謝家莊

橋子上 阪坡村 鄭家溝 南莊 劉家溝

油房莊 安字溝 黃家莊

三坊

在城三街三關 大小澗北 全家潭 趙家坡
橋梁

廣濟橋在縣東北七十里張店鎮之南未詳創始因傾圮險不可行道光二十五年知縣余懷堂於橋之偏東擇基築牆橋工倍之車馬行人始無傾跌之患傍有碑記

大坡橋在縣東北七十餘里與清涼山坡相連經百步每為水患行旅苦之光緒四年 欽差稽查山西賑務前工部右侍郎閻因運賑糧重修橋北約百餘步即平邑之北界昔界坊址猶可考焉

六里坡為縣脈所關日久傾圮欲斷知縣馬玉瑤修之又於坡上創建過廳三間以便行人之止息焉

鹽窰坡在縣東二十里茅津鎮為運鹽要路近被水沖往來苦之光緒六年浙紳觀察金福曾撥賑錢三百五十緡知縣劉鴻逵縣丞陸以耕督工修之有碑記
見藝文

賦役類

賦役何昉乎禹貢庶土交正咸則三壤成賦中邦周禮小司徒頒比法於六鄉之大夫各登其鄉之衆寡以行徵令蓋有田則有賦有丁則有役編其戶口辨其物產民生國計實基於此長人者誠思王業之所本小民之所依禁游惰而為之者衆省力役而不奪其時減賦課而不罄其有將見民以財聚事以義終臻治化於無聲昭承平於有象誠易易矣誌賦役

田賦

按民田自順治四年 前撫憲祝十四年 前撫憲白

乾隆二十九年 前撫憲和先後題請豁免荒坍地畝外實在原額水平坡沙共地一千八百一十八頃三十七畝五分四毫 共征糧九千六百四十一石二斗四升二合五勺九抄二撮共征折色暨地畝九釐驛站等銀一萬一千九十四兩一錢六分八厘六毫九忽二微七纖八塵八渺九埃二漠

又明萬曆間加增絲絹銀一十二兩三錢五分又地差銀二千二百五十八兩七分三釐五毫五絲八忽九微我

朝自順治八年起至雍正十二年止共墾平坡沙地共

八百八十一頃六十二畝九分八釐一毫九絲八忽
二微 共征糧三千四百一十一石九斗一升二勺
四抄五撮九圭二粒二粟 共征折色銀三千六百
八十七兩六錢七分五厘四毫四絲二忽八微七纖
四沙二塵一渺五埃三漠

以上實在民田共熟地二千七百畝四分八厘五毫九
絲八忽二微 共征糧一萬三千五十三石一斗五
升二合八勺三抄七撮九圭二粒二粟 共征折色
銀一萬七千五十二兩二錢六分七厘六毫一絲一
忽四纖五沙一塵四埃五漠

平陽衛屯田上中下共熟地六十一頃一畝二分一厘
七毫 共征糧一百九十一石七斗四升一合 共
折銀一百五十三兩三錢九分二厘八毫

自順治十三年至康熙十六年共墾屯田七頃二十二
畝 共征糧二十二石五斗三升七勺 共折銀一
十七兩八錢九分八厘一毫

以上實在屯田共熟地六十八頃二十三畝二分一厘
七毫 共征糧二百一十四石一斗七升一合七勺
共折銀一百七十一兩二錢九分九毫

更名共熟地四頃八十五畝三分三厘 共征銀三兩

二錢一分五厘

自順治十五年至康熙十六年共墾地三頃四十七畝七分九厘 共折征銀二兩三錢三厘二毫三絲五忽二微三纖一沙二塵

以上實在更名熟地共八頃三十三畝一分二厘 共折征銀五兩五錢一分八厘二毫五忽二微三纖一沙二塵

額外黃河灘地二十三頃一十八畝八分 共征銀四十九兩九錢七分五厘二毫

雍正七年墾地二十頃一十二畝 共征銀四十三兩

三錢六分二厘九毫九絲五微一纖一沙九塵五渺六埃

以上實在灘地四十三頃三十畝八分 共征租銀九十三兩三錢三分七釐二毫

除乾隆二十九年案內豁免灘地一頃五十七畝六分 該銀三兩三錢九分六釐六毫二絲三忽九纖八沙八塵八渺八埃八漠

共實在灘地四十一頃七十三畝二分 共征銀八十九兩九錢四分一釐五毫六絲六忽六微三沙六渺八埃

以上實在民田屯田更名河灘四項共熟地二千八百一十八頃三十畝二釐二毫九絲八忽二微 共征糧一萬三千二百六十七石四斗二升四合五勺三抄七撮九圭二粒二粟 共折色銀一萬七千三百一十九兩一分八釐二毫八絲二忽八微七纖九沙三塵七渺二埃五漠

乾隆十年題將丁銀歸入地糧征收銀二千七百六十一兩一錢九分一釐五毫一絲三微二纖五沙九塵四渺八埃六漠 又屯丁均徭銀二十兩二錢九分八釐七毫七絲七忽九微九纖二沙五塵

以上共丁徭歸入地糧征收銀二千七百八十一兩四錢九分二毫八絲八忽三微一纖八沙四塵四渺八埃六漠

以上共征丁糧銀壹萬一百兩五錢八釐五毫七絲一忽一微九纖七沙八塵二渺一埃一漠

原額耗羨銀二千六百一十五兩三錢七分二釐

光緒六年知縣魯燮光劉鴻達先後詳請豁免葛趙等二十二村河沖沙壓水平坡沙地六十六頃五十三畝九分合糧一百九十五石五斗五合八勺九抄折銀三百六十兩二錢六分八釐五毫四絲五忽六微

丁耗銀四十六兩八錢三分四釐九毫一絲一忽蒙
爵撫憲具奏奉

旨允準

屯田更名記略 平邑何以有屯田也明初太祖立
民兵萬戶府衛職省南曰平陽衛駐臨汾設屯田即
古寓兵於農之意其法最善屯田有二曰民屯軍屯
崇禎間侯司徒恂屯田奏議民軍之外又有官屯兵
屯商屯屯以人異也開嘗參考故事永樂時每都司
撥旗軍十一名耕種號曰樣田隆慶二年將宣大屯
田開熟者每十頃給官軍五十畝為養廉此官屯所

由名也兵屯者太祖從宋訥策守邊士卒備譏察外
悉令屯田每將以東西五百里為制耕作以時訓練
以法也不用賦以養兵而軍實以修省賦治軍兵食
胥足立法之善如此商屯者成祖以邊地苦寒耕戰
力艱令賈人輸粟邊郡粟二斗五升給鹽一引領販
轉售俾自設保伍募衆督耕也然明史屯田初制祇
軍屯民屯而已以此二者概其餘也何謂民屯或呂
募或罪徒令於寬鄉耕作分里築室以居之如鼃錯
所云相徙以實塞下也亦有民自墾蕪而官量為起
科何謂軍屯每衛於附近郡縣分置屯地在邊屯令

軍士以三分守城七分屯種在腹地以二分守城八分屯種無事為農有警為軍故曰寓兵於農之意也厥後屯政稍弛軍田漸虧其額迨明中葉百弊叢生屯事幾不可問

時屯糧一石當轉輸二十石我

朝裁平陽衛職而屯田歸之於民矣何謂更名田乃前朝王府之藩產也明時絳州有晉王府而附近郡縣皆有王田明鼎革後田歸於民謂之藩產康熙十年奉

旨改藩產為更名田此更名屯田之所由來也至邑之民田向分五色已詳論於後矣

稅課附

額外商稅銀四十一兩四錢四分二釐

酒課銀一十兩

匠價銀五十八兩五分攤入地丁征收

田房正稅銀二兩七錢四分四釐一毫盈餘無定數

牲畜稅銀二十八兩三錢七分一釐盈餘無

牙帖稅銀二十三兩八錢同治七年中張村領中等斗

帖一名稅銀八錢

原額當稅銀七十兩計十四家災祲時只存三家本年俱歇業矣

額外織造綾絹加征工費銀一十七兩七錢三分七釐五毫

共征地丁並辦買本色顏料以及酒課商稅共銀二萬三百二十五兩九錢八釐四毫三絲三忽九微七纖六沙三塵八渺九埃一漠內除乾隆二十九年奏免河沖平地並坍地糧銀九十八兩一錢七分三毫四絲九忽三纖七沙九塵九渺九埃六漠

實在共征地丁並辦買本色顏料以及酒課商稅共銀二萬二百二十七兩七錢三分八釐八絲四忽九微三纖八沙三塵八渺九埃五漠

又原額征收田房頭畜牙稅當稅一百二十四兩九錢一分五釐今除歇業當稅銀六十五兩共實征解銀五十九兩九錢一分五釐又中張斗帖一名稅銀八錢另批起解

原額起運銀一萬八千八百三十四兩六錢七分七釐一毫六絲九忽四微八纖四沙九塵四渺八埃九漠今起運銀一萬八千九百八十七兩四錢九分四釐光

緒六年

題準豁免地丁銀三百六十兩二錢六分九釐實起運銀一萬八千六百二十七兩二錢二分五釐

原額留銀一千四百九十一兩二錢三分一釐二毫八絲七微五纖八塵九渺一埃

今留銀一千二百四十兩二錢四分四釐

實在應征耗羨銀二千五百六十八兩五錢三分七釐
糧額考曰禹貢則壤定賦其法尚矣殷人七十而助
周人百畝而徹皆不外什一之征秦開阡陌廢井田
良法美意蕩然無遺西漢以後世輕世重其制不一
自唐楊炎立兩稅法簡而易行乃更稅之初征無定
期民頗苦之周世宗始以四月征半十月全完宋初
均賦每畝五升元以三等定賦上田畝征三升後始

增益明興定天下田賦民田畝三升有奇仍兩稅法
曰夏稅秋糧萬曆以後多征折色原其始太祖初立
國令民田五畝至十畝栽桑麻木棉各半畝等是而
加畝課其稅此農桑絲絹等目所由起也洪武九年
令民以錢鈔銀絹輸米麥會計天下倉儲存糧二年
後收折色正統二年令南畿等省米麥一石折銀二
錢五分彙入內承運庫即金花銀也後遂概行天下
此米糧折色所由起也及明之中每糧一石漸增一
兩以上天啟崇禎間更多額外之征民困賦重戶鮮
蓋藏及崇禎末年歲值大祲竟至人相食戶口逃亡

者十不存一我

朝順治二年詔土田科則以前明萬曆為準凡天崇加賦並永除之順治四年前撫憲祝十四年前撫憲白乾隆二十九年前提憲和先後奏免荒坍地糧幾及今額之半民困始蘓惟虞地僻處中條之麓周四百餘里濱河傍山並無平壤南靠黃河又無村庄祇東西北三鄉俱係山溝地多畸零不成片段東山條北為尤甚雨小則旱雨大則地皆沖決土地磽薄而多石稍有平川則黃河濶水奔流其間反受水沖之害種則刀耕火耨收則肩挑背負農之費力倍於他邑

若賦役煩重則民不堪命矣且邑地土向分五色曰水平坡沙陡水田無幾每畝徵糧一斗折銀一錢三分四釐雖重於他地而出息頗豐猶有餘利平地減十之二坡地減十之四按數折徵似為過之沙陡二色地雖瘠薄而價廉糧輕正供之外少存蓋藏無如順治七年當局者迷誤信奸書去陡地之名歸平坡之內覲一時之快利貽無盡之隱憂自乾隆三十年後屢被水沖坍地畝幾及百頃小民賠納丁糧相沿日久迄今未改無惑乎民之賣絲糶粟剜肉醫瘡也此次大祲人亦相食戶口逃亡十之八蒙 爵撫憲曾

奏請賑濟 欽差閩分辦省南子遺之民賴以存活
光緒五年知縣魯燮先劉鴻達先後詳請豁免沖坍
地六十六頃五十三畝蒙 爵撫憲曾具奏奉
旨允准百餘年民之累於賦者如釋重負又蒙本州馬
丕瑤轉詳上憲奏免五六七八等年一忙丁糧災黎
可冀瓦全尤望後之長民者寓催科於撫字之中一
有偏災即為請命庶小民可苟延殘喘否則死徙逃
亡岌岌乎其又不免矣當道之仁人君子留心民瘼
俯念子遺施大造之仁起溝中之瘠慎擇牧令撫綏
斯民其將以此言為嚆矢乎

丁徭

考康熙五十二年欽奉

恩詔以五十年審定丁冊為常額續生人丁永不加賦乾

隆十年

前志以八年攤入地糧征收考賦役全書係十年題准今從之

題歸地糧征

收乾隆三十七年奉

旨停止編審

餘詳舊志附見戶口

鹽引

按原額引一千二百三十道

計一十名三十引後代銷靈寶額引一名八十引

今共額引一千四百三十道

計十一名一百一十引以二百五十斤為一引部章

則以二百四十五斤為一引一百二十引為一名

每名征課銀五十兩雜課

銀五十兩咸豐九年加征羨餘銀每名八兩十年四月御史薛書堂奏加鹽課六十萬兩前署撫憲常績覆奏改為加征引費銀三十三萬九千餘兩本省分上中下等加征平為下則每名加征銀二十八兩前係鹽商運銷咸豐四年奏改官運官銷

戶口

舊志自乾隆二十九年編審戶口合邑計五千六百九十七戶共三萬三千五百二十五口至光緒三年夏閒編查保甲合縣計一萬九千四百三十六戶共十四萬五千六百八十五口六年清查戶口合邑共九千七百六戶僅存三萬七千九百五十八口外六年招佃異地民人五百八十五口

查本城三坊里十四村計七百八十八戶共三千三百五十七口

東路共七十八村計二千五百五十三戶共九千四十二口

西路五十五村二千六百三十三戶共一萬三百七十九口

中路共七十六村計二千七十六戶共七千七百二十口

上路四十二村計八百七十戶共三千六百八十口
西北路共四十三村計七百八十六戶共三千七百八十口

戶口總論三晉戶口盛於隋唐歷代蕃滋日增月盛
訖於有明太祖置戶帖戶籍具書名歲居地籍上戶
部帖籍之民有司計其登耗以聞

即王制負版之遺意也

公家

徭役由是出焉嘉靖十六年始令徭里折銀猶有戶
差口差之別迨萬曆以後役統於賦計丁不計戶矣
國朝康熙五十二年定例續生人丁永不加賦寬大之
政超軼前代乾隆三十七年奉

旨停止編審每年查保甲稽戶口年終黃冊報部此丁
徭戶口之所由分也國家二百餘年生聚教養人民
蕃庶版籍恢廓迨此次災祲平陸縣逃亡丁口十一
萬二千有餘大祲之後勢難驟復惟在司牧者鞠育
而安全之積數十年後庶幾其有效乎

土產

穀有青白黃三色秫穀亦紅黑黃三色皆堪釀酒其先
熟者曰疾穀早穀他如臨老變御絲鴈爪黃荊子黃
滿川黃龍爪秫黃瓜秫蓋隨象而異名耳

麥有大小二種大麥則曰露仁曰草大麥小麥則曰火

麥曰白麥至於喬麥則夏種而秋成也

黍有白紅黃黎其硬者為糜黍以至蜀秫則黑紅二色
可作米者曰珍珠秫

菽之名色不一惟黃豆黑豆之大者可以為豉豇豆扁
豆則可為菜他如菜黃青紅黑白豌豆等豆皆可日用
至如菜子芝麻皆可為油

菜有芹芥葱韭茄瓠蒜萬苣芫荽白菜黃花胡白蘿蔔
菠菜至於香椿菜葵則又同於他處

果有杏桃李棗柿核桃蘋果沙果葡萄至於石榴鵝梨
大而且美自遭災祲皆去其種

瓜有東瓜西瓜南瓜北瓜甜瓜王瓜菜瓜可以佐果而
為菜

木有松栢楸桐椿槐榆柳棠梨桑大小二棗青白二楊
餘不泛載

卉有黃梅白蓮牡丹芍藥月季水紅紫荊萱草雞冠牽
牛玉簪金盞夜合薔薇之類若夫各色蜀葵異種名
菊難以悉數

貨有蠶絲花椒紅花蜜蠟羊毛藍靛葦席皆為民之所

資云

見前志
者不錄

藥有山藥百合香附細辛荆芥枸杞黃精白芷益母桔

梗防風半夏兔絲花蒼耳蒼朮大黃地黃瓜蒌葛
根連翹蓮肉紫蘇草烏麻黃瞿麥麩仁黃柏黃芩薄
荷南星柴胡川芎三稜甘遂甘草牽牛木瓜艾葉藜
蘆地丁五靈脂五味子酸棗仁郁李仁天門冬麥門
冬小茴香寒水石車前子大荔子鳳眼草天茄子金
銀花

鳥獸有錦雞翅雞野雞嵯雞鴿子鵪鶉狐狸兔獾獐惟
以足供服食之用者書之其常畜則不必盡紀也

差役

國家力役之征與田賦並重歷代不同而因革損益

要皆隨時變通以期救弊三代後賦役之法惟唐之
租庸調為近古自宋元至明相沿不改役之在宋元
也有差役義役僱役助役之分宋初以鄉戶等第定
差謂之差役熙甯時民隨產輸錢官為之募謂之雇
役乾道間民各分等出田收租以助役者謂之義役
惟義役行之最久其後田被兼併經理為難元初里
保充役者催輸賠累延祐五年因行助役令田百畝
以上差等出助役田里各推長以掌之官不得與其
事是皆因時為變通也明洪武十四年詔天下編役
黃冊以一百十戶為一里推丁糧多者十戶為長餘

百戶為十甲甲凡十人歲役里長一人甲首董一里
賦役之事先後以丁糧多寡為序十年一周曰排年
國朝仍之在城曰坊近城曰廂鄉都曰里鰥寡孤獨不
任役者附十甲後曰奇零僧道給度牒有田者編冊
如民無田者亦為奇零每十年有司更定其冊以丁
糧增減而升降之冊上戶部面黃故曰黃冊丁役之
制五歲均役十歲更造丁凡二等始生籍其名曰不
成丁年十六曰成丁而役六十而免又有職役優免
者役凡三等以戶計者曰甲役備郡縣祭祀燕享諸
事也以口計者曰徭役以備京師上官等事也上命

非時曰雜役差擇而充不由里甲也其役又皆有雇
役力役之分即兼宋差役雇役之法也行之既久遂
生飛灑影射詭計等弊嘉靖十六年始令徭役折色
然猶有戶差口差之分至萬曆四十七年定賦役全
書役統於賦不復以戶計矣天崇開四海鼎沸差徭
更重奸民倚宦避役謂之投靠祖孫父子藉以優免
謂之世僕里甲供億盡歸小民大抵明時最重者惟
本色辦運次則折色解納最輕者本地承值我
朝悉為官辦官解一無所擾民慶更生其不得不借支
民力者惟驛站夫馬而已晉地通車以車代夫平處

邊隅並非驛路

國初裁革火耗凡累民者悉除之其解糧遞犯之夫馬官為捐辦一有差事官出票飭役遇鄉民負販者拘以應之官給其值赴運解夏芮每馬發價一百六十大文然役則用一拘十轉生弊端幸差事無多不為大累咸豐三年東南軍興豫撫以邑南通豫鄂北達會垣較驛路差近奏請軍務事件暫為假道平陸四面皆山民不蓄車惟茅津為豫鹽過渡之區齟齬商鑿道運鹽此外並無車道一遇兵差則扣夏縣原車遞送陝州價則由彼高抬屢次齟齬經費則按畝均攤大

為民累髮捻擾豫平與為鄰自咸豐三年以來無歲不調兵防堵至咸豐十一年遂議長防本道以沿河一帶茅津居中即駐劄於此同治七年東南肅靖始行撤防軍需防務幾二十年兵流差絡繹不絕車馬支應日恒數十供億煩重官民交困同治五年邑令馬丕瑤以民苦於役因立里民局於縣城復分設於茅津專支餉鞘委員過往流差經費則按合邑驟馬每頭攤錢五百歲計收錢四千餘緡令里中公舉生監掌之遇差雇支日給錢一千兵差則仍其舊同治十一年復設軍需局二專辦各省勇丁過往等事經

費則按糧一兩攤錢二百文亦用生監掌之積久弊
生致多浮冒後值大祲牲畜倒斃十之九田地荒蕪
大半力役之征不暇計矣一有差事官為墊辦仍票
拘牲口以應價則每里給錢十文役復用一拘十以
索賄民頗苦之光緒五年秋知縣劉鴻達蒞任以飢
遺之民不忍征其力役然邨民又恐誤差勢難兼顧
適浙紳金觀察福曾來平助賑談次為述里民苦累
深恨補救無方觀察惻然感動慨分賑資捐置牲口
三十頭每頭給價銀二十金外給二十金生息以資
喂養令里民領用支差又捐錢八百緡按一分發商
生息為司事薪水之需議立章程通稟立案第立法
之初謀慮難周行未兩月領者苦之現仍仿照前章
少為變通合縣又捐置牲口三十頭由近城各鄉分
領帮同支差以期便捷併金觀察前捐牲口共六十
頭分為正副兩月一輪至兵書家丁亦酌給筆資口
食以資辦公此項經費仿里民局之例按合縣牲口
攤收每騾馬一頭捐錢八百驢則減半其距城寫遠
之圪塔村澗西及韓澗後各庄均減半捐交統金觀
察捐項共計三千餘緡除馬價外餘錢一千緡發商
生息為兵書等紙筆之資仍議章通稟立案勒石垂

久至兵差前蒙 欽憲聞 爵撫憲曾咨會豫撫以
現在東南肅清尋常兵差遵例由驛路行走不得圖
近繞越 河東道憲江俯恤民瘼飭令議章通詳近
今南來者頗少亦歸前項牲口支應設遇大起兵差
亦着此項牲口儘數支應如有不敷仍照舊章按畝
攤辦前經詳明 河東道憲江批准核辦此蓋隨時
變通以期救弊之意也後之官斯土者因革損益覈
實支應庶幾官不掣肘民困可永紓矣

職官類

柳子曰自秦有天下裂都會而為之郡邑廢侯衛而為之守令然則守令為民之父母而今與民更親賢則民受其福否則民罹其殃誠不可不鄭重其選矣迨吏道雜而多端宦績較著者曾幾何人是以識者不無世道升降之感焉至若設將佐以捍患禦侮任師儒以說禮敦詩置僚屬以承流宣化此皆所以為民豈以厲民者哉平陸自建邑之後蒞茲土者亦云夥矣第治以人異人以治傳今乃有美必書無微不錄昭鑒戒以範將來庶覽斯篇者展卷瞭然將必有觀感而興起者矣誌職官

官制

乾隆二十八年以前官制見前志嘉慶四年奏裁茅津

渡巡檢改設縣丞仍駐茅津定繁缺

文職 乾隆二十八年以前見前志者不錄

知縣

胡予翼

章邱舉人乾隆三十三年署任

趙中潤

甯海舉人三十三年任

張授義

龍泉舉人三十六年署任

周潛修

宜賓舉人四十一年任

王澤永 藥城副貢四十一年署任

李鍾淑 濟甯附貢四十一年任創建義學惠愛士民

楊 湘 新城舉人四十六年署任

陳長春 仁和監生四十九年署任

任銜葵 蕭縣舉人四十九年署任

九 芑 滿州舉人五十年任

顏希宗 連平監生五十一年署任

張 芑 黃陂舉人五十三年署任

萬科炳 靈川舉人五十四年署任重修學宮

余祖昌 臨湘舉人五十八年署任

平陸縣續志

卷之上

職官

四十一

劉成義 漢陽舉人嘉慶四年署任

鄭 蘭 廣平舉人五年署任

王鴻文 鎮平舉人六年署任

甘 冕 鄰水舉人十年署任

及毓鳳 交河舉人十年署任

徐文翰 當陽附生十一年署任

張國鈞 撫甯舉人十二年署任

邱鳴泰 東鄉舉人十二年任後擢山西布政司

趙廷澍 蒲江舉人十三年署任

陳价英 長沙舉人十四年署任

陸樟山陰進士十四年任詳宦績並建專祠

鄭賜圖永定拔貢十七年署任

周貽組臨桂進士二十年任

榮青滿州舉人二十一年任

李澍生捷為附貢二十四年任振興文教多所營建

廉九經廣甯舉人二十四年署任

陳文輿會稽舉人道光二年署任

常道治長沙舉人七年署任

黃承祜南昌優貢十二年署任

李廷揚樂山舉人十四年任

平陸縣續志 卷之上 職官 四十二

張穎元黃巖舉人十四年任詳宦績

鍾湘簡州監生十五年代任

張枝宿州監生十七年署任

吳逢甲桐城進士十七年任創建陸公祠見藝文

彭一真羅平舉人十九年署任

何子鈺靈寶拔貢二十一年署任

魏炳江夏附生二十三年代任

余懷堂平利進士二十三年任

劉鳳琢昌黎舉人二十五年署任

王德棻永清拔貢二十七年署任

余正酉 歷城舉人二十七年任

彭彥安 福舉人二十九年署任

德啟 滿洲官學生咸豐二年署任 惠愛士民

崔鈴安 平拔貢三年代任

馮家駒 山陰舉人三年署任

余懷堂 平利進士三年任

唐正居 濟甯監生四年代任

張元鼎 婁縣舉人五年代任 政簡刑清

沈珂清 大興監生八年代任 聽訟明敏 表彰節孝

傅國卿 昆明進士十年署任

張懷塹 廣昌舉人十年任 祀名宦 詳宦績

馬丕瑤 安陽進士同治五年署任 詳宦績

華鏌 天津監生六年任 忠厚治民

王煒 扶風拔貢七年代任

陸以耕 丹徒供事九年代任

劉仲篪 靜海進士九年署任 廉潔自持 後補太平

劉崇禮 朝邑吏員十年任

張輔 大興監生十一年任

葉廷棟 通州供事光緒元年署任 撫眾寬厚

魯燮光 蕭山廩貢二年任

劉鴻達 昌黎進士五年署任辦賑出力以直隸州升用

平陸縣續志

卷之上

職官

四十四

縣丞 嘉慶四年裁巡檢改設縣丞為調
缺稽查渡口船隻專司驗引緝私

范伯棠 涇化副貢嘉慶四年署任

吳魯田 山東人四年任

徐如涵 銅仁拔貢五年署任

王昌緒 霞浦拔貢八年署任

李雲銜 大興監生十二年任捐廉創設茅津義
學去任後士民在義學設位祀之

官鵬雲 大興監生二十年署任

姚冕 大興吏員二十一年代任

范祈 修武監生二十二年署任

李子思 宛平供事二十三年署任

俞化鵬 大興職員二十四年代任

趙維培 清苑監生二十五年代任

陳兆慶 大興供事二十五年署任

張鴻儒 大興供事二十五年任
捐廉延師課誨童蒙

陳蔭 山陰供事道光元年署任

陳鴻達 陝西 恩貢六年署任

王 玉 歷城人八年任勤政愛民循聲
卓著擬建茅津義學未果而去

徐慶霖 宛平吏員八年代任

周震廷 宛平吏員八年署任

紀英選 獻縣副貢十八年署任

平陸縣續志

卷之上

職官

四十五

魏 炳 江夏附生二十年任
捐俸延師課誨童蒙

趙秉全 南豐監生二十三年任

嚴 驤 烏程監生二十五年署任

魯奉堯 大興監生二十六年署任

王雲漢 王五子二十六年任克繼父志
創建學舍惠愛士民今尤頌之

苑春和 涿州監生成豐元年代任

王珠耀 濟甯監生元年署任

唐正居 濟甯監生元年任

崔世華 昆明供事二年代任

張樹棠 涿州監生四年代任

潘琅通州俊秀四年代任

張塘安州監生六年代任

詹淇文易州監生六年任時因辦理河防奉檄支發防軍兵餉兼偵探文報積勞身故

張樹棠涿州監生八年代任

陸以耕丹徒供事八年任因河防出力薦舉卓異旋保以知縣在任候補同治九年代理縣事

沈以鏞海甯監生同治六年代任

蔣模永福監生九年代任

沈拱墀海甯監生九年代任

陸以耕現任前因代理平陸夏縣知縣及俸滿驗看歷次交卸旋復回任

教諭

李成章平定舉人乾隆三十一年任

李鏐汾陽舉人三十九年任

白俊英吉州拔貢四十一年任

許上爵河津拔貢四十二年任

李塏翼城歲貢四十六年任

張儒平定舉人五十三年任

張理榆次副貢五十六年署任

張廷鑄陽曲優貢嘉慶六年任

梁立中代州舉人十三年任

鄧贊清 靈邱 恩貢十五年任

陳棠墀 洪洞貢生十九年任

張讚元 徐溝拔貢二十年任

楊弁陽 太原拔貢二十一年任

馬汝錦 稷山 恩貢二十三年署任

耿以敬 平定副貢二十五年任

高日午 太平舉人道光九年署任

金聲遠 代州副貢十年任

宋中信 樂平廩貢十一年署任

韓 緹 交城廩貢十二年署任

平陸縣續志

卷之上

職官

楊蘭士 介休舉人十二年任

續錫蕃 翼城廩貢十六年署任

李夢周 萬泉拔貢十六年任

武祈麟 潞城副貢十九年署任

武時中 滎河副貢二十三年任

尹承芬 忻州廩貢咸豐元年署任

田連元 潞城廩貢元年代任

李景桂 汾陽廩貢三年任

高大士 徐溝廩貢四年署任

茹炳堂 介休附貢五年任

趙士淦 忻州增貢同治十二年任

趙連元 汾陽附貢光緒四年署任

牛曰毅 沁水廩貢五年署任

韓克昌 甯武拔貢正黃旗教習六年任

訓導

常際盛 徐溝歲貢乾隆二十九年署任

李祖望 曲沃拔貢三十二年任

王軾 黎城歲貢三十六年署任

王禹臣 黎城拔貢四十四年任

胡學關 交城舉人四十七年任

張世述 和順歲貢五十五年署任

曹載炳 大甯廩貢六十年署任

常相 沁水舉人六十年任

張達道 永濟歲貢嘉慶四年任

范光清 榆次廩貢六年署任

成錫田 陽城舉人六年任

傅寬 臨汾舉人十二年代任

高俊升 汾陽廩貢十二年署任

張澍 永甯歲貢十三年任

賈來復 朔州舉人十七年任

周培 翼城舉人二十四年署任

王清佩 平遙舉人二十四年任

王轄 榆次廩貢道光十年署任

宮玉鏡 繁峙歲貢十一年任

平陸縣志

卷之上

職官

四十九

程克官 祁縣廩貢十二年署任

何思誠 洪洞歲貢十三年任

郭騰霄 保德歲貢十四年署任

孟質敏 文水舉人十六年任

呂景昭 汾陽拔貢二十年署任

郭文奎 平定舉人二十一年任

郝肯堂 壽陽舉人二十四年署任

杜際唐 太谷廩貢二十九年署任

王尊賢 渾源舉人三十年任

韋生杲 霍州廩貢咸豐二年署任

崔樹棟 絳縣舉人四年署任

馬克謙 陽曲舉人五年任

蘇清魁 徐溝廩貢同治七年署任

劉冲霄 孝義廩貢八年署任

靳復昌 陽曲副貢九年署任

賈熙 右玉廩貢十年署任

裴元章 右玉拔貢十二年署任

劉克庸 平遙附貢十三年署任

馮志沅 代州廩貢光緒元年署任

楊映辰 甯鄉增貢五年署任

平陸縣續志

卷之上

職官

五十

許銘恩 永濟舉人六年現任

補遺

馮國標 乾隆五十五年任見碑文

巡檢

范大椿 震澤吏員乾隆二十八年任

李德 桐城監生五十二年任

裴禹文 大興吏員五十八年任

張覺民 天津增生嘉慶三年代任

張有恒 武清拔貢三年署任

湯廷英 會稽供事三年任四年以員缺改設去任

典史

鄧汝達 新城監生乾隆三十六年任

朱 鏘 山陰供事三十九年署任

張 崧 宛平監生四十四年署任

張廷莖 仁和監生四十七年署任

李有常 桐鄉吏員四十七年署任

黃瑞圖 宛平供事五十六年署任

張 烈 萬載從九品嘉慶八年代任

祝 濫 大興吏員八年署任

文調鈞 瑞昌監生八年署任

平陸縣續志

卷之上

職官

五十一

裘成濬 新建供事十年署任

李 溶 宛平供事十七年署任

金 鎬 大興監生十九年代任

沈沛霖 大興監生十九年署任

馮召棠 大興監生十九年署任

婁 成 宛平監生二十一年代任

錢 枚 清源附生二十一年署任

徐一清 順天監生二十二年任

席世隆 吳縣監生道光二年署任

張 淇 大興供事十六年署任

黃金台 松滋供事二十三年代任

朱佩璜 大興監生二十三年署任

王 淮 上元監生二十五年任

汪晉毓 宛平監生二十八年代任

陳汝弼 閩縣監生二十九年署任

孫 沛 大興監生二十九年代任

嚴 驥 大興監生二十九年署任

陳士炘 大興監生二十九年任

何增魁 蕭山監生成豐三年署任

張樹棠 涿州監生五年代任

平陸縣續志

卷之上

職官

王 澈 桐城監生十一年代任

王 霖 東安監生十一年代任

李宗适 濟源監生十一年任

李德鄰 壽州監生同治二年署任

寇安瀾 許州監生三年任

揭垂瓊 南豐監生光緒二年代任

周夢熊 柏鄉監生二年署任

周常鎮 天津監生三年現任因幫辦賑務出力保以應升

按前志職官祇載實任之員而攝代之官不與焉但官無曠職缺不虛懸考晉省昔日定章州縣雜職等官在任三年期滿輸出餉差司中委員接署約半年之後差竣回任教佐各官六年俸滿赴省驗看該管府州檄員代理逢鄉試之年實任州縣調當闈差藩司亦委員接代實任交卸約三月歲事均回本任是以職官三年之後即有署代由此之故咸豐間餉差改委候補之員實任津其川資而委署稍減第採輿論署代之員恆多政績若缺而不錄何以勸後茲則詳考備載俾循良之吏不至湮沒無傳而後之攝代

君子知百世之下清風懋績永垂不朽庶不存五日京兆之見吏治民生所關者鉅可忽乎哉仍註署代字樣以資考核武職自咸豐間軍興以來署代尤多今考證無據故不附載云

武職營制見兵事

遊擊

章奏功 南溪武舉乾隆二十八年任

趙廷魁 漳浦侍衛三十七年任

白雲漢 宛平武進士五十一年任

焦毓鶴 東平武舉五十七年任

范建懋 漢軍難磨五十八年任

那甯阿 滿洲侍衛五十九年任

張無愆 鳳台武狀元嘉慶四年任

馬占魁 成都行伍十一年任

平陸縣續志

卷之上

職官

五十四

范建衡 滿洲章京十六年任

孟光爵 城步行伍十六年任

李行正 郟鄂行伍十九年任

李坤 清苑行伍十九年任

左位 西昌行伍二十三年任

丁濟南 成都行伍道光五年任

金玉橐 阜蘭武舉七年任

馬天保 新會武進士三十年任

佛保 滿洲前鋒藍長二十六年任

德麟 漢軍武狀元二十六年任

札克當阿 滿洲侍衛咸豐元年任

李暉 陽曲世襲騎都尉三年任

蘇林 滿洲侍衛六年任

谷景昌 鉅鹿武進士八年任遷澤州參將加副將銜賞

聞加總兵銜世襲騎都尉又恩騎尉罔替入京都昭忠祠詳官績

寶齡 滿洲鑲白旗軍功同治六年任因防河擊賊保護糧臺賞戴藍翎加副將銜

平陸縣續志

卷之上

職官

五十五

守備

原駐夏縣同治元年移駐茅津大營餘詳兵事

石鳴鳳 榆社武舉同治元年任

喬鳳翔

陽曲武生五年由撫標千總升任因防堵賞加都司銜

千總

魯保 滿洲行伍乾隆三十七年任

劉通 陽曲行伍四十八年任

單鵬 神木武舉六十年任

胡國安 嘉慶六年由汾州把總升任

劉喬 永定人二十三年任

賈秉仁 臨汾人二十三年任

馮萬清 臨汾行伍道光十三年任

弓定國 陽曲武舉十四年任

張國鏡 朔州行伍二十一年任

田喜 陽曲行伍二十五年任

梁錫齡 陽曲武生同治七年任

賈榆 唱縣武舉光緒四年現任

平陸縣續志

卷之上

職官

五十六

把總 同治元年移兵案內調補

米輔國 河曲武舉同治元年任因防河堵禦保升千總六年出防吉州龍王辿陣亡加守禦銜世襲雲

騎尉又恩騎尉罔替入昭忠祠詳官績

王錫 臨汾行伍六品頂戴七年現任

張店汛外委千總

劉世勳 平陸行伍乾隆三十八年任

劉鍾義 安邑行伍四十九年任

王潤 臨汾行伍嘉慶七年任

趙秉禮 臨汾行伍十二年任

李寶 臨汾行伍二十一年任

田鳳 臨汾行伍道光四年任

張文通 臨汾行伍十六年任

王森 朔州行伍二十四年任

張嶠 臨汾行伍二十六年任

王盛 永濟行伍咸豐元年任

張繼祥 臨汾行伍同治元年任

李文明 臨汾行伍二年現任因
幫辦賑務加五品銜

縣城外委把總

孫宏仁 永濟行伍乾隆二十八年任

常思敬 安邑行伍四十年任

孫輝祖 河津行伍嘉慶元年任

韓盛 臨汾行伍十二年任

趙秉潤 臨汾行伍道光五年任

劉三元 永濟行伍二十七年任

張鳳翔 臨汾行伍同治四年現任
因幫辦賑務加五品銜

茅津外委

賀福 臨汾行伍同治元年任

李桂林 臨汾行伍二年任

金棠 臨汾行伍十年任

杜應棠 永濟行伍光緒元年現任

新設南溝汛外委

王金鑑 永濟人同治元年任

遶萬全 臨汾人三年任

王權 臨汾人十二年任

劉漢章 臨汾人光緒五年現任

茅津額此外委

高萬揚 平陸人道光二十九年任

薛兆南 平陸人咸豐二年任

王金鑑 永濟人四年任

薛上卿 平陸人同治元年任

楊長祿 平陸人五年任

趙廷相 平陸人光緒五年現任

新設茅津額外外委

王成貴 臨汾人同治元年任

劉應中 平陸人元年現任

王鏞 永濟人二年任

岳掄元 臨汾人三年任

傅榮 臨汾人十年任

王進生 鳳臺人光緒二年任

平陸縣續志

卷之上

職官

五十九

劉登高 平陸人同治十一年現任

介丙長 平陸人光緒五年現任

張金清 平陸人五年現任

官績

李鍾淑字平侯號春圃山東濟甯貢生乾隆四十一年知縣事吏治修謹持大體不為深苛四十七年創建義學暇日集諸生講說經義士民德之為樹德政碑陸樟字香嶼號存拙浙江山陰進士嘉慶十四年知縣事為人端嚴純靜撫衆以慈興水利課諸生教養兼盡二十年乙亥九月地震水沸山崩牆屋傾頽壓斃人民三萬餘口災黎露處無室可歸呼號悽楚之聲哀鳴遍野樟挨村撫卹目擊慘狀慟悼不已詳請上台奏發賑款親赴四鄉量災散放又值隆冬風雪

平陸縣續志

卷之上

職官

六十

殘黎飢寒交迫而地震累月不息死者相續樟晝夜奔馳自傷無德格天致民懼此慘毒自縊死百姓悲哭如喪考妣數十年後父老語及猶有泣下者貢生仝玉年等於道光二十一年稟懇建祠知縣吳逢甲詳請大吏於傅巖書院之西建立專祠春秋致祭焉有碑記

張穎元湖北黃巖舉人道光十四年知縣事辛裁峻厲不諂不瀆向時考棚經費新生攤解平民瘠苦稱貸為難穎元裁免出俸貸之至今人猶頌德焉

張懷堃字笠舫直隸廣昌舉人咸豐十一年知縣事潔

已愛民寬猛相濟時山西通辦民團他邑悉苦兵費
塹寓兵於農不費不擾而團成擒匪犯陝平有唇齒
之憂塹遍諭鄉民防河百姓如聞父召莫不踴躍從
公自芮及垣二百餘里防禦不懈闔境賴以瓦全賊
擾陝州難民隔河呼救塹同遊擊谷景昌設法渡濟
全活無算豫人泐石頌德焉後調安邑遷鳳臺祀本
邑名宦祠

馬丕瑤字玉山號蓮溪河南安陽進士同治五年權縣
篆性剛方明爽居平不設方幅人不敢干以私自奉
儉約恒以清慎自持雖膺瘠苦宴如也為政簡易不

尚苛細尤懼民為訟累案無信宿留犴獄為之一清
下車伊始輒訪地方利病興利除害知無不為立鄉
學延師課子弟幾遍鄉鎮邑苦徭役創里民局以均
之積弊以革六里坡道路崩圯復倡修之以利行旅
擒匪竄會興鎮平只一河之隔賊屢撲河瑤率兵民
堵禦晝夜巡防賊不敢犯遂西竄公暇則課誨諸生
言論敲切士多感悟逾年解任留去思焉歷任永濟
除遼州光緒三年歲大祲上台以廉能調署解州牧
救災放賑多所全活瀕河諸邑賴以安全復為屬邑
查荒地散籽種招佃開墾逃亡復業者尤眾當道累

疏保薦擢知府在任候補並加鹽運使銜

谷景昌直隸鉅鹿縣武進士咸豐八年任遊擊有膽略
暢曉戎機屢著功績同治元年擒匪寇陝率士卒防
堵極嚴賊殺掠迅迫陝州難民隔河呼救賊亦蜂擁
將至景昌無懼色駕礮舟擊賊渡民全活無數豫民
刻石頌德焉五年擒匪復西竄防禦嚴密賊不敢犯
以功升澤州營叅將並 賞戴花翎六年出防吉州
龍王辿兵潰罵賊殉節奉

旨加總兵銜世襲騎都尉以恩騎尉罔替祀昭忠祠

米輔國山西河曲縣武舉同治元年調補茅津把總四

月擒匪竄陝州夏秋兩次隔河堵禦奮不顧身保薦
千總五年賊又西竄防堵如前不辭勞瘁境賴以安
六年出防吉州龍王辿與賊力戰兩晝夜時大兵潰
散輔國率數人冲鋒力盡被礮轟死事

聞奉

旨加守禦銜世襲雲騎尉以恩騎尉罔替祀昭忠祠

兵事類

安邦以文戡亂以武是養民與衛民固屬並重而不容偏廢者也平陸濱河傍山險自天成毘連豫省以河為界東之茅津實三晉之門戶秦晉河船順流而下西南有警防禦宜嚴雖屬縣境全省之保障係焉易曰王公設險以守其國重門擊柝以待暴客未雨之謀可忽乎哉建平垣營以將統之墩汛四十有二分布外縣其防密矣兵以防河即以防內也是不可分誌兵事

營制

平陸縣續志

卷之上

兵事

六十三

平陸舊無綠營明崇禎十五年流寇擾豫河防戒嚴遂設遊擊駐守茅津鎮為平垣營

國朝因之順治四年奏立營制考舊志兵數與原額不同今依同治元年移兵案內開載馬步戰守兵三百五十七名各縣墩汛三十五處添設馬步戰守兵四百六十六名增墩汛七處垣曲汛兵撥歸東灘管外委管轄餉米仍歸平垣營支發共原額新添官兵八百四十二員名內官十九員馬步戰守兵八百二十三名茅津存營馬步戰守兵五百七十九名分防八汛戰守兵二百四十四名

平垣營額設遊擊一員中軍守備一員分防夏縣南關
同治元年移駐茅津大營原駐夏縣守兵一百四名
內撥歸茅津大營馬兵十一名戰兵十八名守兵二
十五名撥留夏縣汛外委管轄戰兵五名守兵四十
五名千總一員添設見舊志

原額左哨把總一員分駐橫水鎮嘉慶二十一年移駐
聞喜縣城同治元年新添右哨把總一員隨營駐劄
原設外委五員

張店汛外委千總一員駐張店南距茅津五十里

夏縣汛外委千總一員原駐胡張鎮雍正七年移駐夏

縣城南距茅津九十里

平陸縣汛外委把總一員駐縣城

聞喜汛外委把總一員駐聞喜城嘉慶二十一年移駐

橫水鎮南距茅津二百二十里

絳縣汛外委千總一員駐絳縣城西南距茅津二百四

十里同治元年新添存營外委把總一員隨營駐劄

是年新添平陸縣白浪渡外委把總一員駐南溝西

距茅津一百里

原設額外外委三員一駐茅津鎮一協防夏縣一協防

聞喜同治元年新添存營額外外委四員無衙署

再原設垣曲縣汛把總一員同治元年奉文撥歸新設
東灘營管轄原額馬戰守兵三百五十七名內馬兵
二十四名戰兵七十一名守兵二百六十二名新添
馬步戰守兵四百六十六名內馬兵三十三名戰兵
一百名守兵三百三十三名共馬八十七匹官自備
馬十六匹遊擊馬六匹守備馬四匹千把三員馬六
匹營馬七十一匹內外委馬十四匹馬兵馬五十七
匹

張店汛守兵十二名存汛兵九名大寬墩防兵三名三
門墩沙梁墩盤南墩由張店輪派

平陸縣續志

卷之上

兵事

六十五

平陸縣汛戰守兵十八名存汛兵八名墩防兵十名太
陽渡洪陽渡各五名

夏縣汛戰守兵五十名存汛兵二十六名墩防兵二十
四名窰子胡張裴介三墩兵九名三岔水頭義門三
墩兵十五名

聞喜縣汛戰守兵五十九名墩防兵四十名計八墩前志

墩兵二十四名
非墩汛詳前志

橫水鎮汛戰守兵八名前志十
名非

絳縣汛詳前
志

垣曲縣汛詳前
志同治元年奉文歸東灘營管轄兵餼仍

歸平坦營發放

新設南溝汛守兵五十名存汛兵三十二名墩墩六處
東洋梁宿鼈蓋西河頭老兒庄甕兒口每墩兵各三
名共兵十八名

平坦營東至所屬南溝汛甕兒口墩一百三十五里接
連東灘營所屬之垣曲縣五福澗墩西至縣屬洪陽
渡墩六十里接連蒲州協屬之芮城縣曲裏渡墩東
西沿河袤一百九十五里

附載移兵原文 同治元年正月分奉 前撫憲英通

飭移兵原奏內開解州平陸縣茅津渡係平坦營駐

紮之所相距河南陝州一河之隔為自豫入晉咽喉

原設遊擊一員守備一員千總一員把總二員外委

五員馬步兵三百六十五名兵數與原額不同除派
姑存之以俟考

防各汛外存營兵丁僅有一百九名實形單薄擬添

設把總一員外委二員馬步守兵五百名實在只四
百六十六

名原額設守備向駐夏縣此次添兵較多應令改駐

茅津大營平坦連原額兵共八百六十五名實在共
兵八百

二十三名今併統歸遊擊督率訓練以資保障仍於
存之以俟考云

存城兵內酌留五十名歸夏縣城外委管理並在平

陸縣南溝村分設專汛於平坦本營派撥外委一員

守兵五十名以資巡防

以上官兵統屬太原鎮標歸蒲州協兼轄其俸餉乾銀每季差千把外委一員赴司請領移會平陸縣公同驗放

演武場二 一在遊擊署西修廣六畝中建廳事三楹東隅將臺一操期每月一四七日演抬鎗二五八日打鳥鎗三六九日比射逢十日合操 一在南寨門內修廣八畝中建演武廳三間東北隅將臺一東西礮臺二同治元年河東道劉子誠建

河防

茅津渡渡船南北岸各三隻鹽船三隻歸縣丞兼轄嗣因大祲渡船損壞光緒六年 河東道憲江捐銀二百兩 本州馬玉瑤捐銀五十兩知縣劉鴻達捐銀三十兩縣丞陸以耕捐銀二十兩製造渡船一隻以補舊額復議立章程嚴禁水手勒索稟請 本道出示嚴禁並移會陝州有碑記

太陽渡白浪渡南北岸渡船各一隻

洪陽渡南北岸渡船二隻咸豐三年河防吃緊奉文裁撤後因不便於民仍設嗣因河干戒嚴南岸船隻提泊北岸封渡迨後有警由縣飭差封提是年髮逆擾

豫六月調大同鎮兵五百五十名同平垣營防堵茅
津沿河一帶九月杪撤防嗣後豫省有警無歲不調
兵防堵十一年調太原鎮兵一千名是年四月遂議
長防 本道以沿河一帶茅津居中遂駐劄於此至
同治七年東南肅清始行撤防

同治元年捻匪由秦竄陝州之會興鎮 太原總兵和
昌 河東道劉子誠知縣張懷堃遊擊谷景昌縣丞
陸以耕把總米輔國外委把總張鳳翔等督率兵民
沿河防禦南岸難民隔河呼救遊擊谷景昌駕礮舟
沖鋒渡濟全活無算八月十五日捻匪由東寇陝竄

踞會興鎮旬餘十七日夜大雨如注鄉人驚報賊由
沙澗偷渡我軍冒雨擊退賊遂西竄

五年九月捻匪張縱愚復竄會興鎮屢撲河干知縣馬
丕瑤遊擊谷景昌等坊堵如初賊復西

兵防

烽墩一十二座在張店幹橋太寬八政茅津太陽洪陽
南溝等處每年由平垣營派兵三五名駐防護送行
旅在城民壯二十四名隨兵操練以防城同治元年
奉文勸辦團練知縣張懷堃每鄉團練民丁二三百
不等平時則守望相助有警則同兵防河以壯聲威

不聽調遣

營汛

平坦營額設遊擊守備千把總外委俱見營制

本縣城守營汛額設外委把總一員兵十八名兼管太

陽洪陽兩汛

張店汛即張店堡在縣東北距城七十里額設外委千總一

員兵十二名

南溝汛即白浪渡在縣東距城一百二十里新設弁兵見營制

選舉類

取士之法夏商以前不見於經至周始以鄉三物賓興之三年大比天府登庸度數精詳本末俱備抑何盛與厥後因革損益代有重輕我

國家率由舊章崇經術首制科禮樂兵農之選蔚然並興其為王國之損不既彬彬郁郁也哉尤於甲科而外恩拔歲薦以廣其途生俊貢監以闢其徑使老師宿儒奇才異敏俱得展其蘊蓄畢其猷為作人雅化茂以加矣第廷獻本於家修造士由於學校必養之有素而後措之無窮故惟榘楠之材克勝棟梁之任非然者盜名竊位紆紫托青徒襲沐猴之衣冠全乏本來之面目不幾負

朝廷而羞當世之士耶誌選舉

進士 乾隆癸未科以前詳舊志

史曠如 乾隆庚子 恩科字曉巒號虎侯

全卜年 嘉慶辛未科詳人物

趙垣 道光乙酉 恩科詳人物

陳鳴謙 道光癸卯 恩科見仕宦

舉人

趙彭紹 乾隆甲午科揀選知縣

史曠如 甲午科見進士

趙廷琦 丁酉科

王宜儉 己亥 恩科

荆烜 己亥 恩科

柴溥 丙午科

柴灝 甲寅科

全卜年 嘉慶庚午科見進士

賀寅炳 道光壬辰科

解汝逾

解惠疇 己亥科見仕宦

平陸縣續志

卷之上

選舉

七十一

楊時夏 己酉科

毛述先 咸豐壬子科見仕宦

全獻聞 戊午科

令狐尊德 辛酉科

李發榮 辛酉科

令狐雁題 同治甲子科

劉可貞 丁卯科

毛鴻海 庚午科

丁懷璧 光緒乙亥科

貢生

負在茲乾隆乙酉拔貢

柴煥

柴炳 歲貢見仕宦

姜奠齊

伍漢駒

賈世都 恩貢

薛伏昭

劉攀桂

趙倣孟

荆峨

陸縣續志

卷之上

選舉

七十二

李澄 恩貢

冀元亨 乾隆丁酉拔貢

呂兆熊 乾隆己酉拔貢

楊乾亨 乾隆歲貢

成名世 歲貢

張東書 恩貢

趙望颺 恩貢

趙殿魁 歲貢

解元德

荆鼎新

張體國 嘉慶 恩貢

史明程 歲貢

李林芳 辛酉拔貢

石演雲 辛酉副貢

石維巖 歲貢

冀元善 歲貢

楊遵程 歲貢

趙含章 歲貢

楊廷棠 恩貢

范爾昌 歲貢

楊成育 歲貢

吳五桂 歲貢

張鴻舉 己卯副貢

史祺遠

李建翹

楊會生

楊遵朱

徐莪

趙體誥 恩貢

楊澄心

平陸縣續志

卷之上

選舉

七十一

李廷樸

關學易

張檀

王凌漢

呂肇青

杜傑

王化龍

負維楨

全玉年 道光 恩貢

席如戴 乙酉拔貢

平陸縣續志

卷之上

選舉

七十四

王捷升 歲貢

邱階升 辛卯副貢

楊經方 歲貢

焦莊 恩貢

楊垣 丙申拔貢

裴鍾靈 歲貢

竇慶會 歲貢

全魯藩 歲貢

全啟藩 歲貢

張鳳舉 恩貢

趙之璧 歲貢

趙宗直 己酉拔貢

王寅亮 歲貢

楊所約 咸豐 恩貢

杜于淇 歲貢

張卓 恩貢

柴景韓 歲貢

趙嘉會 乙卯副貢

梁毓麟 恩貢

姜典三 恩貢

平陸縣續志 卷之上

選舉

七十五

趙碩 歲貢

解遴 恩貢

陳凌霞 歲貢

張萬青 辛酉拔貢

杜瀛煥 同治 恩貢

解聯萼 歲貢

毛繼先 歲貢

富寅清 恩貢

周新命 歲貢

任麗光 歲貢

高靈臺 歲貢

梁岱雲 恩貢

衛步瀛 歲貢

張步青 癸酉拔貢

李觀先 歲貢

令狐宣先 光緒 恩貢

李春華 歲貢

雷建南 歲貢

李貞年 恩貢

負夢魁 歲貢

平陸縣續志

卷之上

選舉

七十六

武舉

趙清桂 癸酉科

張所尚 乾隆戊子科

張所誦 庚寅 恩科

史可紹 道光庚子科

段煥章 同治甲子科

王興元 庚午科

劉 銜 乾隆戊子科

仕宦 文武

周延祜字 由舉人官內閣中書歷任武進金壇知

縣

范三綱字叙五號荆坡由進士官刑部江蘇司主事陞

直隸司員外郎掌京畿廣西道監察御史擢戶科給

事中巡視東漕南漕

全卜年字子占號礪南官彰化等縣知縣歷升知府加

道銜署臺灣道

趙垣字禾邨由進士官平順訓導樂平教諭朔平教

授後升涑水知縣以上俱詳人物

史統順字義圃由舉人官廬江桐城知縣乾隆壬子科

平陸縣續志

卷之上

選舉

七十七

江南同考官

荆如棠字蔭南由翰林院庶吉士官知縣歷升淮陽兵

備道 詳人物

楊遵程字 由歲貢官靈邱縣訓導

史遐齡字 由拔貢官趙城縣教諭

荆煊字 由舉人官雲南知縣

成名世字 由歲貢官山陰縣訓導

陳鳴謙字韞高由進士官知縣署陝西隴州知州咸豐

乙卯科陝甘同考官歷任江西永豐南城知縣同治

壬戌科江西同考官時髮逆肆擾城防出力

解惠疇字亮采由舉人官右玉絳縣訓導

毛述先字紹庭由舉人官平遙訓導長治教諭

李發榮字秀山由舉人官內閣中書

邱景和字春臺由吏員官平利縣縣丞政治詳明人多呼為邱佛云

陳寅餞字鳴謙次子也由監生官江西糧道庫大使歷任河北馬溪河巡檢加提舉銜

王 棻字由庠生官陝西渭南縣縣丞升授鎮安縣知縣

仝 儁字傑夫卜年之孫也由吏員候補縣丞署汀州

府經歷

柴 煥字敬峰貢生山東德州州判 詳人物

田世豐由進士官鑾儀衛經歷鹽原長安南鄭等知縣

王 祐字吉臣棻之孫也由庠生指分河南候補府經歷

張所尚字士心由武舉官千總升守備代理縣丞事 詳人物

張所誦字雅章由武舉除江南徐州衛千總後遷河南

領運千總

史可紹字由武舉官千總

劉雲章字漢臣由武生官太原鎮標右營把總加六品
銜歷署右營守備

趙重耀字光遠由武生官千總歷署夏縣守備

劉登高字仰之由行伍官平垣營額外外委

劉潮海由行伍官夏縣額外外委同治六年防堵吉州

龍王延與賊力戰陣亡 詳人物

封廕 附 乾隆二十八年以前見舊志

范紹武字隆平以孫三綱官戶科給事中 贈朝議大夫

范大勳字陶猷以子三綱 贈朝議大夫

趙 忱字曉村濟南府經歷以 覃恩贈修職郎

全 字 以孫卜年官臺灣道 贈朝議大夫

全 字 以子卜年 贈朝議大夫

趙靜修字 增生以子垣官涑水知縣 贈文林郎

史 澤字 生員以子遐齡官趙城教諭 馳贈修

史迺實字

以子統順官桐城知縣 贈文林郎

解志善字天真太學生以子惠疇官絳縣訓導 馳贈

修職佐郎

李正陽字景中國學生以子發榮官內閣中書 贈文

林郎

毛豐登字有齋以子述先官長治縣教諭 馳贈修職

郎

李偉甲字天一國學生以子苗加訓導銜有事捐輸局
馳贈修職佐郎

選舉記略 自古人材興於學校杜佑云設官在乎審

官材審官材在乎精選舉蓋選舉為官材所由來學
校又為選舉所自出成周用人不進於冢宰而進於
司徒不其然歟閒嘗攷歷代取士之制漢初去古未
遠重在薦舉而計偕有制射策有科後世策士之法
亦始於此矣唐宋以來設科取士其途不一故謂之
科目而進士之制始見於隋歷沿不改惟明時進士
入官之途諸流皆不得與並焉舉人之稱見於北齊
書鮮于世榮傳時所謂舉者謂舉到之人不以為定
名也唐玄宗時由國子及郡學舉送奏名禮部集試
謂之舉人不第則當再舉歷代盡然至有明洪武三

年詔設鄉會科七年頒科舉成式始以鄉試中式者為舉人即不第毋庸再舉至於歲貢元時於學生內選擇解貢太學無定制洪武二十一年令府學一年州學二年縣學三年各貢一人弘治初乃定三年二貢之制以才德選者曰選貢即今之拔貢有慶典加恩曰恩貢我朝鄉試副榜亦准作貢凡進士舉貢皆謂正途進士自及第外俱賜出身舉貢亦得銓注雖閒由薦辟起家他途襍進亦兼收並用往往限其所至其畸重在科制有明用人類如此武舉始於金皇統閒許諸色人應試明亦以子午卯酉年鄉試巡按御史會同三司考驗定數起送入試

兵部不中式則須再舉其不再舉而為定名則自我朝始武會試明嘉靖初定於鄉試之次年四月至崇禎初并殿試如文科之榜名矣

國初武會試定期九月鄉試十月道光咸豐閒屢改其期同治元年仍復舊制要之三代取士以德行道藝自漢以後漸貴詞章徵辟之典與賢良方正之舉閒亦行之而卒不可為常例亦時勢使然也夫儲才必有其地教士當有其方三代時鄉學有教國學有教其法亦詳矣誠以士必教之於前而始可用之於後記云大樂正論造士之秀者升諸司馬曰進士論定

而後官之進士者歷選士俊士造士而後得名誠重其選也由今思之其所謂選士類於今之學生俊士造士近於今之貢生舉人進士至今同之然必由樂正以升者即人才本於學校之說也今國家科舉之制率由明舊而用人不拘常格又為前代所未及我

聖祖特詔開博學鴻儒科

世宗命學臣保舉優生又令大小臣工各舉所知而用之

高宗再舉博學宏詞於鄉會外屢行曠典闢門籲俊可謂至矣而更以學校為人材所由興廣厲學宮勤宣教化

平陸縣續志

卷之上

選舉

八十二

黜浮華崇本實凡所以作養之者至詳且盡士習以端而官材以辨得其本矣

